

ԱՐՁԱՆԱԳՐՈՒԹՅՈՒՆ

*Արմեն Սուքիասյանի և Անուշ Սուքիասյանի կողմից նախատեսվող Լոռու մարզի Տաշիր համայնքի Երևանյան փողոց թիվ 259/1 հասցեում նախատեսվող արտադրական պահեստի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային լսումների /2-րդ լսում/*

24.11.2025թ.

Լոռու մարզ,  
Տաշիր համայնք

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի (այսուհետ՝ Օրենք, 03.05.2023թ. ՀՕ-150-Ն) համաձայն, ինչպես նաև ՀՀ կառավարության 28 դեկտեմբերի 2023 թվականի N 2343-Ն որոշմամբ սահմանված կարգով՝ 2025թ. նոյեմբերի 24-ին՝ ժամը 12:00-ին, Լոռու մարզի Տաշիրի համայնքապետարանում տեղի ունեցավ Արմեն Սուքիասյանի և Անուշ Սուքիասյանի կողմից նախատեսվող Լոռու մարզի Տաշիր համայնքի Երևանյան փողոց թիվ 259/1 հասցեում նախատեսվող արտադրական պահեստի կառուցման շրջակա միջավայրի վրա ազդեցության գնահատման հաշվետվության վերաբերյալ 2-րդ հանրային լսումը:

ՀՀ օրենսդրությամբ սահմանված կարգով հանրային քննարկման վերաբերյալ հայտարարությունը հասանելի է եղել հանրության համար, ինչպես նաև տեղադրված է եղել Շրջակա միջավայրի նախարարության պաշտոնական կայքում, իսկ շահագրգիռ հանրությունը հնարավորություն է ունեցել մինչև հանրային լսումն իր առաջարկությունները, դիտողություններն ու կարծիքները գրավոր ուղարկել նաև Տաշիրի համայնքապետարան, ինչպես նաև նախօրոք գրանցվել հանրային քննարկումներին մասնակցելու համար:

Հանրային քննարկմանը ներկա էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Արմինե Վարդանյանը, Տաշիր համայնքի ղեկավարի տեղակալ Արթուր Պողոսյանը, համայնքապետարանի ներկայացուցիչները, նախաձեռնողներ Արմեն և Անուշ Սուքիասյանները, ՇՄԱԳ իրականացնող մասնագետ Զարուհի Զուռնաչյանը, համայնքի բնակիչները:

Հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Արմինե Վարդանյանը հանդես եկավ բացման խոսքով, ողջունեց հանդիպման մասնակիցներին, ներկայացրեց հանդիպման հիմնական նպատակը և փորձաքննական գործընթացի շրջանակներում կատարված աշխատանքները:

Նա նշեց, որ ՀՀ օրենսդրության համաձայն նախատեսվող գործունեությունը դասակարգվում է Բ կատեգորիայի: Փորձաքննության իրականացման համար օրենքով սահմանված է 40 աշխատանքային օր: ՇՄԱԳ հաշվետվությունն օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններ՝ կարծիքներ ստանալու համար:

Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնց հիման վրա այն ներկայացվել է նախաձեռնողին՝ լրամշակման: Լրամշակված հաշվետվությունը ներկայացնելուց հետո, ՀՀ օրենսդրությամբ սահմանված կարգով նշանակվել են հանրային լսումներ: Նա ներկայացրեց նախատեսվող գործունեության վերաբերյալ տեղեկատվությունը, թե ՇՄԱԳ հաշվետվությամբ ինչ է նախատեսվում իրականացնել, նշեց, որ 1-ին հանրային լսման արդյունքում համայնքի ավագանին տվել է իր նախնական համաձայնությունը և այսօր արդեն անցկացվում է 2-րդն հանրային լսումը:



Վարդանյանը ներկայացրեց, որ Օրենքի 17-րդ հոդվածի 16-րդ կետի համաձայն Փորձաքննության գործընթացի լիարժեքությունն ապահովելու անհրաժեշտությունից ելնելով փորձաքննական գործընթացի ժամկետը կարող է երկարաձգվել մինչև 30 աշխատանքային օրով, Օրենքի 29-րդ հոդված 4-րդ մասի 3)-րդ կետի՝ ծանուցումից հետո՝ 20 աշխատանքային օրվա ընթացքում շահագրգիռ հանրության հնարավոր զրավոր կամ էլեկտրոնային առաջարկությունները, դիտողությունները և կարծիքները ներկայացնելու նպատակով:

ՇՄԱԳ-ի լրամշակման ժամանակ փորձաքննական կենտրոնի մասնագետի կողմից ներկայացվել է դիտողություն՝ կաթի արտադրամասի կառուցման սանիտարապաշտպանիչ գոտու նորմը չպահելու վերաբերյալ:

Ինչի արդյունքում նախաձեռնողի կողմից իրականացվել է նախագծի փոփոխություն համայնքի կողմից տրվել է նոր ճարտարապետահատակագծային առաջադրանք, համաձայն որի նախատեսվում է կառուցել արտադրական պահեստ:

Այնուհետև նախագծի մանրամասները և բնապահպանական հարցերը ներկայացնելու նպատակով նա խոսքը փոխանցեց ՇՄԱԳ իրականացնող մասնագետ Զարուհի Զուռնայանին:

Զուռնայանը ներկայացրեց ՇՄԱԳ նախագծով նախատեսված գործունեությունը:

Ներկայացրեց գործունեության տեխնիկական ցուցանիշները, նախատեսվող գործունեության իրականացման արդյունքում շրջակա միջավայրի վրա վնասակար ազդեցությունները մեղմող միջոցառումները:

Համայնքի ներկայացուցիչը, ներկաները ողջունեցին նախատեսվող գործունեության իրականացման արդյունքում նախատեսվող արտադրության աշխատանքները:

Գործունեության վերաբերյալ այլ առաջարկներ և դիտողություններ չներկայացվեցին:

Մասնակիցների ցանկը և հանրային լսման նկարները ներկայացվում են սույն արձանագրությանը կից:

«Շրջակա միջավայրի վրա ազդեցության

փորձաքննական կենտրոն» ՊՈԱԿ-ի գլխավոր մասնագետ



Արմինե Վարդանյան

Արմեն Սուքիասյան

Անուշ Սուքիասյան

